الشيعي دموعه على خده جريه سيّد المذهب يفارق هالمسيــه جعفر الصادق .. جعفر الصادق

وصمّه الصادق كل قلب صادق ابوصايا و الأهم منها الذي أكّد كونوا يا شيعه ويا هالبيعه زين الى آل النبيّ المصطفى أحمد ع الشتم و السب صونوا المذهب لا يغيّركم دعى بافعاله لو يشتد بالاسم شيعه و بالفعل شيعه و هذا طبع الى يحب يتبعنا ما يرتد

> الكرم و الخلق أول و التسامح هذا أمثل و الصبر منهم تمثّل الشيعي بافضاله تدلل

> > بدفتره نصادق .. جعفر الصادق

الشيعي دموعه على خده جريه سيّد المذهب يفارق هالمسيــه جعفر الصادق .. جعفر الصادق

تشرح الصدرك ترفع القدرك تفتح أبواب التوافيق انت بس تحصد و فيها وصمّانا الصادق اعطانا صك و من خالف حدوده عنا هو يبعد منّه المؤم ن و منّا لا يمكن مستخف ابفرضه و ابثقله إذا يسجد

هيّ كل ذاتك و هيّ منجاتك ما تضيع و انت ليها بس تحب تقصد

لا تفرط فيها مَـره .. فيها للعبد الـ يسـره و الموالى ابلا صلاته .. مذهبه الدنيه المُره

وصّه كل صادق .. جعفر الصادق

الشيعي دموعه على خده جريه سيّد المذهب يفارق هالمسيه جعفر الصادق .. جعفر الصادق

بالبقيع انظــر وهله منّ اتمر هالقبور الطاهره اللي تضوي بعيونك خاطرك توصل أمنيه تمثل و خدك تعفره بتربهم بس يمنعونك تزور و تتحسر قاسى المنظر تبعدك عنهم نواصب تشعل شجونك يمتى توصلهم بحاجه تسألهم و تطرد أحزان القلب لمّن يقبلونك

يمتى يا ربى كفايه .. يمتى نوصل للنهايه يظهر المهدى و يشيد .. قبور أركان الهدايه

الـ شوفته نسابـق .. جعفر الصـادق

الشيعي دموعه على خده جريه سيد المذهب يفارق هالمسيه جعفر الصادق .. جعفر الصادق

نفسي أمّاره روحي محتاره أسألك اظهر يمهدي و آنا بآثامي أوصل الجمعه و طاعتي انعه اتشوف أعمالي و انا مسوّده أيامي ظلم يعذّبني من يقرّبني آنا محتاجك يمهدي تطيّب آلامي خلّصه قلبي نوّره دربي و خذني ابجيشك و لا تخيّبها آمالي

انشدك اظهر الينا .. و ذنبي يصرخ ما علينا اعتذر يالمهدي والله .. و انتظر يمتى تجينا

لا و لا انفارق .. جعفر الصادق